

08.03.2026

UPA2026/101

Inatsisartut suleriaasianni § 33 naapertorlugu aalajangiiffigisassatut siunnersuut manna matumuuna saqqummiunneqarpoq:

Inatsisartunut qinersisarneq pillugu Inatsisartut inatsisaat nr. 14, 2020-mi novembarip 24-ani atuuttoq allanngortinniarlugu, taamaalilluni § 1-imi najugaqarnissamut piumasaqaat maannakkut qaammatini arfinilinni najugaqarnissamik piumasaqaammut sanilliullugu annertuumik sivitsortillugu, qinersisinnaatitaalernissamut Kalaallit Nunaannut ataavartumik nukittunerusumillu attuumassuteqarneq qulakkeerniarlugu Naalakkersuisut peqquneqarnissaannik aalajangiiffigisassaattut siunnersuut. Inatsisissatut siunnersuut UPA2027-mi kingusinnerpaamik saqqummiunneqassaaq.

(Inatsisartunut ilaasortaq Kuno Fencker, Naleraq)

Tunngavilersuut:

Siunnersuut ullumikkut saqqummiussara tunngaviatigut tamat oqartussaananeranut tunngassuteqaqqissaarpoq:

Kina Inatsisartunut qinersisarnersoq.

Qinersisarneq pillugu inatsit oqallisigigaangatsigu piviusumik politikikkut aaqqissuussaananerput oqallisigisarpaput. Taamaattumik ammasumik, piviusorsioortumik immitsinnnullu ataqqilluta oqallisigisassaraarput.

Siunnersuut taamatut ilusilersugaavoq siumoortumik pissutsimut aalajangersimasumut nikisinneqaqqittussaangitsutut inissinneqannginnissaa anguniarlugu. Siunertaqarlunga taamaaliorpunga. Inatsisartummi siullertut inatsisartunut inissinneqarput: inuiaqatigiitsinni suut tulluartaunersut oqallisigissallugit, taamaalereeruttalu inatsimmut pineqartumut ilusilersuinissaannut politikikkut Naalakkersuisut pisinnaatitsissummik tunillutigik.

Ullumikkut qinersisarnermut inatsit Kalaallit Nunaanni qaammatini arfinilinni najugaqareeruni Inatsisartunut qinersisinnaatitaalissaaq.

Qaammatit arfinillit.

Sivikitsuararsuarmik nunatsinneereernerup kingorna inatsisiliortunut, Kalaallit Nunaata siunissaa pillugu aalajangiinernut qinersinermut peqataasinnaanermut tamanna isumaqarpoq.



Tamanna malittarisassaq Kalaallit Nunaata politikikkut inissisimanera piffissamit ullumikkornit allaanerugallerneraneersuuvoq.

Tamatuma kingorna Kalaallit Nunaat namminersortunngornikuuvog.

Inuattut

Nunat tamalaat akornanni inatsisit tunngavigalugit inuiaqatigiittut akuerineqarsimavugut.

Politikikkullu aalajangikkavut nunatsinni nunallu tamalaat akornanni annertunerujussuarmik isumaqalersimapput.

Taamaattumik pissusissamisoorpoq aperissalluni:

Qinersisarneq pillugu inatsipput ullutsinnut sulit naleqquppa?

Inuiaqatigiiannguuvugut.

Inuit 56.000-it missaaniippugut.

Nunanut angisuunut naleqqiullugu inuiaqatigiinni taama mikitigisumi allannguutit mikisuarannguilluunniit innuttaasut aaqqissugaanerannut annertuumik politikikkut sunniuteqarsinnaapput

Isumaqqanngilaq arlaasa ilaat Kalaallit Nunaannut tikilluaqqusaanngitsut.

Kalaallit Nunaat inuiaqatigiittut ammajuaannartuusimapput.

Kisianni utaqqiisaasumik peqataaneg aamma piujuartumik atassuteqarneq assigiinngissuteqarput.

Inatsisartut aningaasaqarnermut, ilinniartitaanermut, aatsitassanut, peqqissutsimut, nunassittarnermut nunallu siunissaanut Inatsisartut aalajangiigaangamik, aalajangiinerit tamakkut inuiaqatigiinnut ukiorpassuarnut aggersunut sunniuteqartarput.

Inatsisartutsinnut qinersisinnaanermut malittarisassat nunatsinnut piujuartumik atassuteqarnerup ilaatigut ersersinneqartariaqarnerat, taamaattumik eqqarsaatigissallugu naleqquppoq.

Inuiaqatigiitsinni piffiit ilaanni aalajangersimasumik najugaqartussaataarnermik piumasaqaateqartarpugut.

Assersuutigalugu inuussutissarsiutit ilaannut imaluunniit nunatta pisuussutaannik atuinissaq pineqartillugu.

Taamaaliortarpugut isumaqaratta inuiaqatigiinnut attuumassuteqarneq pingaaruteqartoq.



Tamanna tunngaviatigut qinersisarneq pillugu inatsimmut atatillugu naleqqunnersoq isumaliutigineqarsinnaavoq.

Una aalajangiiffigisassatut siunnersuut ukiunut aalajangersimasunut aalajangerneqanngilaq.

Suna Kalaallit Nunaannut tulluartaunersoq pillugu tamanna Inatsisartuni ammasumik oqallisigineqarnissaanut periarfissiivoq.

Maannakkut qinersisarnermut inatsisip najugaqartussaannermut piumasaqaataata maannakkut qaammatini arfinilinnut atuuttup sivitsorneqartariaqarneranut oqariartuuteqaannarpoq, Inatsisartut politikikkut oqallinnerat tunuliaqutaralugu Naalakkersuisut inatsimmut siunnersuummut pineqartumut saqqummiussissasut.

Suliaq tamanna malittarisassat aqqutigalugit ingerlanissaa pingaaruteqarpoq:

- ersarissut kinaassusersiunngitsullu
- naammaginnartut
- allaffissornikkullu ersarissut.

Uani oqallinnermi ataatsimoorussamik tunngavigisavut taamaattumik ukkatarissagivut neriuutigaara, taamaalilluta Naalakkersuisunut suliasaq ingerlateqqinniassagatsigu.

Partiilersorluni politikikkut akerleriinnertuunngitsoq.

Kisiannili ataatsimoorussamik suliasatut.

Naggataatigummi una tamat oqartussaaqataanerannut tatiginninnermik isumaqarpoq.

Innuttaasut tamat oqartussaaqataanerannut aaqqissugaanermut, inuiaqatigiitsinnut piviusumiinnitsinnullu ersersitsinissamut tatiginnittuussaapput.

Taamaattumik neriuutigaara Inatsisartunit tapersersorneqartumik Kalaallit Nunaannut tulluartaumik Inatsisartut ataatsimoorussamik najoqqutarineqartumik aallaaveqartumik, Naalakkersuisut qinersisarneq pillugu inatsimmut nutartikkamik saqqummiussinissaannut piginnaatitsissummik tunineqarnissaat.

Qujanaq.

Oqartussaasunut aningaasaqarnikkut allaffissornikkullu kingunerisassai

Inatsisissatut allannguutissamik suliaqarneq nalinginnaasumik AC fuldmægtig-itut atorfillip ukiup affaanut 250.000 koruuninik aningaasartuuteqartitsinissaa naatsorsuutigineqassaaq.



Namminersortunut inuussutissarsiuteqartunullu aningaasaqarnikkut allaffissornikkullu kingunerisassai
Soqanngilaq

Innuttaasunut aningaasaqarnikkut allaffissornikkullu kingunerisassai
Soqanngilaq